

中華民國二年十二月二十五號  
行政公署政報處發行

# 湖南政報

## 本報價目

一 本報按照陽歷每日出報一本  
一 每分每月收回大洋六角  
一 零售每分銅元三枚

一 外埠購報郵費以購報之多寡酌加  
一 夫役送報如有遺漏請即函告以便補發

長沙育嬰街宏文社印刷

目錄

命令

省令

都督兼民政長令 三則

公電

本省發電

都督兼民政長覆 教育部電

都督兼民政長覆 交通部電

都督兼民政長致熱河都統電

都督兼民政長致各觀察使各縣知事電

都督兼民政長覆新田李知事電

都督兼民政長覆衡山晏營長鄧知事電

都督兼民政長覆靖縣知事電

各屬來電

衡山知事呈 都督兼民政長電

第二區第四營營長衡山知事呈 都督兼民政

長電

新田知事呈 都督兼民政長電

呈批

都督兼民政長批 五則

專件

湖南實業銀行第二期營業報告表 續



## 命令

### 大總統令

據兼領湖北都督事黎元洪署湖北民政長呂調元直隸都督馮國璋署直隸民政長劉若曾奉天都督兼署吉林都督張錫鑾奉天民政長許世英吉林民政長齊耀琳吉林護軍使孟恩遠黑龍江護軍使兼署民政長朱慶瀾江蘇都督張勳江蘇民政長韓國鈞江北護軍使蔣雁行安徽都督兼署民政長倪嗣冲署江西都督李純江西民政長汪瑞閩浙江都督朱瑞署浙江民政長屈映光福建民政長汪聲玲署湖南都督兼理民政長湯壽銘署山東都督靳雲鵬署山東民政長田文烈河南都督張鎮芳河南民政長張鳳臺山西都督閻錫山山西民政長陳鈺陝西都督張鳳翽署陝西民政長高增爵護理甘肅都督兼護民政長張炳華新疆都督兼署民政長楊增新四川都督胡景伊署四川民政長陳廷傑護理川邊經畧使顏鐔廣東都督龍濟光署廣東民政長李開侁廣西都督陸榮廷廣西民政長張鳴岐貴州都督兼署雲南都督唐繼堯雲南民政長李鴻祥貴州民政長戴戡等電稱民國建設伊始法制紛繁立法機關成績綦少請諮詢政治會議各員以救國大計各等語查民國成立業經兩稔建設困難無可諱言該兼領都督等憑陳各節洵爲救國起見應交政務會議各員迅速討論辦法詳細具覆原電抄發此令

施肇基給予二等嘉禾章此令



趙秉鈞加陸軍上將銜此令

陸軍總長段祺瑞呈請將綏防陸軍在後場汗塔爾河暨白靈廟勦辦蒙匪出力之陸軍騎兵中校李名山加陸軍騎兵上校銜王鎮堂耿錫陞曹振邦馮恩綸鄭懷春李西峯程占標石敬京授爲陸軍步兵少校朱金城王錫齡王學海張懋凱授爲陸軍步兵上尉應照准此令

前因重慶川黔兩軍衝突情詞各執當派陸軍中將姚寶來前往查辦茲據查明呈覆前來核察原案互訟各款以縱火焚燒民房軍火情節較重雖經查明一由於兩軍轟擊致被延燒一由於黔軍誤開彈箱致被爆裂尙非有心焚燬惟前黔軍旅長黃毓成於川軍到後斷絕交通擅行派兵勒繳槍械致釀事端並有收容匪黨妄殺平民搜索商款情事前川軍支隊長王陵基率兵抵渝在重慶已克之後並不前往四鄉及下游一帶追勦餘匪輒急於入城致啓猜疑而生衝突迨退駐江北猶復妄逞意氣攔劫黔軍均屬任性妄爲罔顧大局雖黃毓成遠道赴援收復重慶不爲無功王陵基急欲入城係由重慶商民敦促而兩軍交鬪貽害地方實屬罪有應得黔軍連發巨礮黃毓成並未禁阻尤爲暴酷黃毓成王陵基着交陸軍部分別嚴議懲處所有重慶被災商民前已飭撥卹款仍着四川都督察看情形妥爲撫恤並着各該都督嚴諭所屬養兵本以衛民彼此無分畛域各該省有唇齒相依之誼各軍人有休戚與共之情應如何各懷良規互聯指臂以後奉調軍隊無論主客儻敢再蹈前轍均着按照軍法從事毋得姑寬此令



省令

都督兼民政長訓令

令商務總會

據湖南銀行呈稱案奉鈞府訓令內開據商務總會呈稱案奉令開照得商務習慣往往自爲風氣不可強同湘省銀行錢店向來有無本店店夥以自己名義或借用牌名或捏造記號囤買貨物向本行高價押款而自己又爲保證經手人之習慣亟應確切查明以憑體察商情分別核辦合行令飭爲此令仰該商會立即遵照查明限即日內切實具復如有此種習慣並即指出牌名以憑核辦勿稍隱飾切切等因奉此查湘省商業習慣以貨物押借銀錢者亦間有之但必須確實保證惟本城殷實糧棧倉棧由原棧蓋印負責或不拘有無保證均由放款之店主或總經理營業長認可執行押款不能超過貨價即總經理營業長亦不能以自己名義向本店押款及代爲保證店夥更無論矣緣奉前因相應呈復鈞府俯賜察核此呈等情據此查商會呈復各節自是正當辦法合行飭查爲此令仰該銀行立即遵照查明該銀行所有押款是否按照商會所呈規則辦理有無行員經手或以自己名義或借用牌名或代爲保證向本行押借款項之弊竇刻日據實呈復以憑核辦勿違此令等因奉此遵查本行行員經手押款共有十二萬六千六百二十五兩類多假託牌名自作保證逾期不贖本年十月十一月之間倉票押款竟至十萬零五千五百兩之多即係捏造記號囤買貨物以高價抵押與鈞府指



飭之弊適相符合又漢口專辦許繼煥由長沙滙銀至漢不加滙水致公家損失八百餘兩殊屬不合緣奉前因理合開具詳細數目及押款牌名保證行員表冊呈祈鈞核訓示祇遵謹呈等情據此查行員托名押款自爲保證前據商會查明不能有此辦法而湖南銀行竟有此種弊竇自應擇尤懲處以儆效尤除零星押款皆從寬免究外所有本年十月十一月內捏造記號囤買穀石以倉票押款之各行員數目既鉅且以公家之款囤貨肥私實屬情節較重前營業長郭福照雖非現在行員而以倉票高價抵押至四萬兩之多即以其本棧管事之范先臣經手作保顯係通同行員該行之總稽核所司何事豈竟毫無覺察顯有扶同徇隱情事以法律論本應執法以繩姑從寬將各行員及稽查員一並交由商會看管勿令他去一面由商會確核情罪分別輕重從嚴議罰所得罰款即暫存商會并將所押倉米悉數提公備抵均爲平糶之資庶行員知儆而貧民亦畧沾潤澤除令湖南銀行外合行令飭爲此令仰該會立即遵照將單開各行員一併查收看管具報再漢口分銀行專辦許繼煥不交滙水應一併由商會議罰並勒交原款滙水併飭知照勿違此令

計開交商會看管之行員於左

李嗣全 周仲韶 廖緝光 沈叔琴 伍克明 徐叔光 鄧樹生

前營業長郭福照  
總稽核員

湖南民  
政長印



中華民國二年十二月十五日

都督兼民政長訓令

令水警籌備處

案據水警籌備處副長王保民呈稱竊惟國家之所恃以禦外者既莫如陸海軍隊國家之所恃以治內者又莫如水陸警察陸海軍隊制禍于已發水陸警察防禍于未萌皆所以保護國家安甯維持社會秩序者也欲擴張國權發揚國威不可不簡海陸軍隊欲保障國家限制國民不可不編制水陸警察夫警察者警戒查察也先事戒備斯爲警見微知著斯爲察警察又分水陸兩種在陸地者曰陸地警察在水上者曰水上警察夫水上警察者巡查水上船舶預防水上危害保護水上公安者也有水上行政警察司法警察之分有高等水上警察普通水上警察之別水上行政警察者保持水上公安預防水上危害者也水上司法警察者搜查水上犯罪證據逮捕水上兇徒者也高等水上警察者管理水面沿江妨害全國之世道人心者也普通水上警察者取締水面沿岸妨害箇人之生命財產者也均以保衛商船生命財產維持水上安甯秩序盤詰奸宄匪類逮捕搶劫罪犯爲宗旨吾國水上警察大都由水師改編惟湖北首先創辦改編最早且辦理最善者也其他如甯院贛粵閩浙均皆相繼編制而湘省獨籌備一年水師繼續存在水警尙付缺如若不從速改組水師編制水警何以保護水上安甯維持水上秩序亟應猛厲進行力圖改良舉其大要約有數端一曰未編制以前籌備水警改



組水師之辦法如釐定編制章程重行組織集合水師將校會議編制之種種手續也夫未編制以前必須審畫周詳以期有利無弊方能得水警完全圓滿之效果若空言籌備徒耗餉糈月復一月年復一年長此玩延則水警百年無成然如釐訂編制章程重行組織以立水警法則之基集合水師將校會議編制而收集思廣益之效則水警期月可矣夫創辦之政不厭求詳而立法之初必須完備組織湖南全省水警必須就水警籌備處暨原有之水師選鋒五營飛翰五營長勝二營澄湘二營岳沅二營悉數改編水警籌備處擬改爲湖南全省水上警察總廳管轄全省水警策勵進行原有水師之選鋒飛翰長勝澄湘岳沅共十六營擬改爲兩分廳三專署十六分署選鋒統領部擬改爲第一分廳所屬之前後左右中五營擬改爲第一二三四五分署該各營所屬之各哨擬改爲第一二三四區每區又分爲第一二三四段飛翰統領部擬改爲第二分廳所屬之前後左右中五營擬改爲第一二三四五分署其各哨之編制與第一分廳同長勝統帶部擬改爲第一專署所屬兩營擬改爲第一第二分署澄湘統帶部擬改爲第二專署所屬兩營擬改爲第三第四分署岳沅統帶部擬改爲第三專署所屬兩營擬改爲第五第六分署其各哨之編制均與分廳所屬之區段同其全屬內外勤務辦事人員均相各機關等第按照水師原有階級薪餉分配而職掌權限秩序層分統稟承總廳長之命令監督指揮上隸屬民政長節制總廳擬選擇長沙城外地臨江濱爲住址形勢扼要藉便控馭第一分廳駐紮湘潭第二分廳駐紮常德第一專署駐紮辰州第二專署駐紮衡州第三專



署駐紮岳州其餘各分署駐紮辦公亦仍水師根據地點分區列段相度衝要繁簡于沿舊之中稍加變通各駐分地巡邏查察保護安寧維持秩序俟將來中央制定水警官制頒布後再行酌量改組此釐訂編制章程重行組織之辦法也且改組水師編制水警必須集合各水師高級將校討論船隻腐固軍需多寡官長學術兵士程度駐紮地點管轄區域水道里程以爲編制水警之根據若不集合討論恐圓柄方鑿扞格不入不知水師之情形徒改水警之編制則有治法無治人流弊滋大地方未受其益人民先被其害新政之不舉必執政者之不良也爲此稟請發給命令通飭選鋒飛翰長勝澄湘岳沅各統領統帶限期齊至鈞府會議編制討論利弊博採衆議興利除害以策進行而收實效此集合水師將校會議編制辦理之情形也一曰既編制以後改良水警實行水警之辦法如嚴定職權剷除惡習整肅紀綱速成教練節儉經費作育人材之種種手續也夫既編制以後必須改良進行教練與行政雙方並進方能實行水警之權力若因循敷衍名曰創舉之水警實則腐敗之水師則改編與不編同然必嚴定職權剷除惡習整肅紀綱則水警行政之成效可期速成教練節儉經費作育人材則水警完全之學術可達蓋水警爲內治一大部分商民之生命財產託業于水上者至繁其預防危害保護安寧仰賴于水警者至重行政司法責任攸歸執行一有未善貽害伊于胡底自改水警以後必于前清水師腐敗之痼習需索之陋規一概剷除盡淨所屬官兵如有違背職守義務玷污官兵身分喪失官兵信用者則應受懲戒之處分在官長則褫職降等減俸申誠在兵



士則罰餉記過斥革懲辦若違法瀆職要求賄賂則應受刑律之制裁如通匪串盜背叛國家擾害人民則應請軍令之處決各屬水警報解拿獲劫搶盜匪必須詳加審訊按照犯罪情節輕重分別移送稟辦使江河流域漸臻平靜以盡水警之天職其各處人民有違水警之律條所屬職權可以處分者得處分之仍須層次報告查攷水警雖以強制爲用究以和平爲體不得輕率拘罰致取怨咨即有應加懲罰者各巡長須稟送分署長訊明核辦以昭慎重其民刑訴訟案件雖發生水面非水警所得理處者或轉移或飭逕赴各地方各級檢審廳起訴辦理第官兵執行之功過不相掩商民之良否不能齊懲罰有章程取締有規則範圍所在藉有遵循此嚴定職權剷除惡習整肅綱紀辦理之情形也顧警察一門法理學說實具精深而水警創舉水面情形尤須講貫庶胸有成竹措施咸宜所屬水師長官雖向來長于緝捕而法政尙乏師承是其所短若稟奉建設水警教練所釐定章程修舍開辦選擇教員既耗經費抽調官長遞及警士分班課授計兩週年方可教竣又費時間然必編輯水警摘要問答將警察法理演譯課程由淺入深使其熟讀節儉教練經費且收實學功效則該官兵等既有經驗又具學術因其所長補其所短人才造就收效無窮又於巡防之暇使之熟諳水陸操法對內固可以保安寧禦外亦可以資陸軍之補助總期緩急足恃水面澄清危險不生俾外江內河商旅往來安堵無警以達水警完全之目的此速成教練節儉經費作育人材辦理之情形也以上條陳數端不過管見藹言伏乞留備採擇副長再三思維如俟調查完竣而組織來往計數千里



則非遲二四月不可若待教練畢業而改編明年暑假方成又非六七月不爲功遲延時日阻碍進行徒有籌備之名消耗薪費之實增國民負擔糜國家公帑上何以對我都督下何以對我人民謹將所擬籌備水警簡明辦法繕摺恭呈鑒核伏乞批示祇遵再暫訂湖南全省水上警察編制章程業經脫稿一俟修繕完竣續呈鈞鑒謹呈等情據此查核所擬改編水師整肅網紀編輯摘要各節統籌兼顧成竹在胸殊堪嘉尚仰即查照妥爲籌辦以促進行而保水上治安是爲至要至集合水師將校會議一節刻下正當冬防吃緊之時各將校均有汎地防守稽查碍難遽令遠離該處如有應商應辦事宜可用公函往來或呈由本府轉飭遵照辦理可也此令

湖南都督之印

中華民國二年十二月十五日

都督兼民政長訓令

令財政司

案據巴陵縣知事曹作弼呈稱案查敝廳報解正餉契稅各欸均支由湖南銀行岳州支店掣取收條備文上解應解銀者按交錢之日照牌價作銀去歲至今照辦無異本年十一月三十號縣財產管理處彙集各徵收處改繳之南官票捌千肆百四十串文函送支店請其照本日



牌價一千零五十五文買銀八千兩儲存支店以備解國稅廳詎支店營業長王蓋臣退不允收經管理員尹荔春親往支店說明已允照價買銀及着人將錢送店該營業長又祇收錢八千四百串文而退還四十串文並不照價作銀且票錢係十一月三十號午前十一時所收該營業長故於憑摺上填十二月二號日期當由知事專函質問未據答覆隨派財政科員前往質問乃該營業長竟稱買銀太多不能按照牌價若少一二千兩自可通融辦理至書十一月三十號爲十二月二號乃係錯誤云云夫銀價漲落日各不同逐日簿記藉昭信守支店每日出入約以數萬計豈有錯誤之理况收數屢千改期三日非有心盤剝而何對於往來之憑摺竟可錯亂日期其平日之任意顛倒可知對於上解之公欸尙可多方抑勒其平日之對於商民可知銀行爲維持公欸便利商民機關岳州支店非惟不能便利商民且故意留難公欸按之銀行章程諸多不合且巴陵解欸向賴支店兌付今被措勒正餉延解咎將誰歸除電呈外理合備述緣由呈請都督俯賜察核照銀行章程嚴行取締以重公欸而便交通實爲公便此呈等情據此合行令仰該司即便遵照轉飭湖南銀行調查明確照章辦理具覆並由該司轉行該縣知照此令

湖南民  
政長印

中華民國二年十二月二十日



公電

本省發電

都督兼民政長覆 教育部電

北京教育部鑒據高師校呈三年度概算書內開第一款高師經費洋一十三萬二千一百九十五元四角又一款附屬中學經費洋二萬五千六百一十一元五角又一款附屬小學經費洋七千零四十四元該校因預科升作本科合原本科共得本科七班故所需如上數此覆湘都督兼民政長湯薌銘弼印

都督兼民政長覆 交通部電

交通部鑒效電各節已通令各屬並佈告各界遵照矣特覆湯薌銘弼印

都督兼民政長致熱河姜都統電

承德姜都統鑒巧電敬悉我公威名勛業中外同欽茲蒞真除尤慰物望充國之屯田已著臨淮之壁壘彌新瞻企節麾無任忭慶湯薌銘弼印

都督兼民政長致各觀察使各縣知事電

鳳凰黃觀察使衡州唐觀察使各縣知事覽查地方公產關係重要應由各該管官妥爲保存將來辦理要公支配一切爲用甚鉅不得妄行撥歸孔教會管理所有前內務司任司長佈告非奉本兼民政長命令者一概無效不准執行仰即遵照辦理具覆爲要都督湯號印



都督兼民政長覆新田李知事電

永州專送新田李知事鄭仕升既訊據確爲蕭長隆途間遇劫搶犯應立即正法以昭炯戒白老四一名如確爲行劫時當場格斃之搶犯亦准毋論餘犯仍嚴緝重辦並將鄭仕升供詞呈報察核都督湯弼印

都督兼民政長覆衡山晏營長鄧知事電

衡山晏營長鄧知事巧電悉搶犯譚聚緒等五名既據會訊明確夥搶得贓不諱應立即正法以昭炯戒餘犯仍一面嚴緝並將供詞呈報察核切切都督湯弼印

都督兼民政長覆靖縣知事電

洪江專送靖縣知事據該縣議會電稱正式縣議會是否照辦等語閱之詫異查各縣議董各會無論正式及臨時組織均經通令一律解散聽候頒示改選辦法再行組織在案茲該縣議會竟以內務司通令電呈請示殊不可解仰即遵照通令將該議會等全行解散具報並轉飭知照都督湯弼印



中央來電

教育部致 都督兼民政長電

長沙民政長鑒電悉湘省二年度預算祇列高師一校其三年度概算望仍照此一校開列數目先電覆教育部侵印

交通部致 都督兼民政長電

長沙湯都督鑒前奉 大總統命令銀行之設所以調劑金融維持市面現在中國銀行業經籌備設立而交通銀行迭經整頓信用昭著所有交通銀行發行之兌換券應按照中國銀行兌換章程一律辦理以資補助而利推行此令等因當經本部分行各處現該行在長沙設立分行遵令發行兌換券並準稱現金隨時兌換應請貴都督轉令所屬各機關暨佈告商民人等一體收用並請隨時保護維持實紉公誼交通部效印

教育部致 都督兼民政長電

長沙民政長鑒高師校長電悉專門以上學校學期試驗本部已於民國元年第十一號訓令聲明以不免試驗為原則且查高師學校其各種學科均屬重要尤應按期舉行以重師資但屆學年試驗時得免本學期試驗希轉飭遵照教育部咨印  
各省來電

熱河姜都統致 都督兼民政長電



各省都督民政長將軍都統鎮守使護軍使籌邊使均鑒桂題本日就熱河都統職特聞姜桂題巧印



各屬來電

衡山知事呈 都督兼民政長電

都督鈞鑒前准禁烟專員借撥小隊衛兵赴草市查獲單杏香單列卿二家膏具該犯聚眾兇毆兵夫均受重傷兩名垂斃該處民情蠻悍且多社會黨餘孽乞飭營迅派軍隊協拏以重烟禁而懲刁抗衡山知事鄧典謨叩刪(覆電見昨日本報)

第二區第四營營長衡山知事會呈 都督兼民政長電

長沙都督鈞鑒搶犯譚聚緒彭高陞唐可九湯華柏汪運糧五名會訊多次供稱夥搶得贓不諱冬防吃緊未便稽誅應請照清鄉章程就地正法以伸國法而寒匪胆除首要譚有保譚吳生二名懸緝另辦外請示飭遵第二區第四營營長晏孝廉衡山知事鄧典謨同叩巧

新田知事呈 都督兼民政長電

長沙都督鈞鑒據縣民蕭長隆呈報途間遇劫比經村衆格斃搶犯白老四一名並摺送鄭仕升一名訊據實供不諱吐報夥匪白老四胡老二張土發白金山黃承生等除嚴緝外鄭仕升應否正法謹請電示祇遵新田知事李儁叩







呈批

都督兼民政長批

陳文璋等呈請開辦湖南境內水底礦產縷懇核准振興水利一案由

查此案前據呈經譚前督批准立案查閱呈覆實業司簽註各條如第一條仍請不定區域未免漫無限制應俟勘測明白指定地段再行呈請核定第三第四兩條既據遵照改正應予核准至第十條請予專利三十年據稱擬於簡章內聲明如三十年中公司辦理毫無成效若有較巨之資本家願爲開辦應准其與公司酌商投資合辦等語是否可行仰候令實業司查明礦章體察情形妥議覆奪此繳呈抄發

旅常各省同鄉聯合會事務所呈明黃紳等破壞旅會月捐經費各情懇維持由呈悉該會以公益團體按戶抽收月捐辦理殊有未合復據稱另招股欸二萬緡建設實業工廠等語究竟此項捐欸該會作何支銷藉會斂錢難保無浮濫抑勒情事當此民生物力凋敝之際尤宜體恤商情以期漸復元氣豈容此項社團擅用名義重增負擔既經譚前督批飭取銷在案仰常德縣知事傳知該會長等迅即將前項月捐一律取銷以杜紛競而紓擾累毋稍徇延鈔呈批發

城步楊誠達呈武岡禁煙委員朱宇鑑勾串報口肆行敲詐各情由

該民既素無煙癮禁煙員何至偏信報口之言將爾抽驗且抽驗無癮又何至勒爾出錢



種種情形殊難盡信惟控關委員索賄虛實均應澈究仰武岡縣知事確切查明呈候核辦此批

衡州公立第一女子師範學校校長賀潤呈奉教育司批准開辦本校今議會張鵬翰等挾持意見不遵參事會和解乞核示由

據呈該校開辦有年教育經費尙可支持自不能任該縣議會少數人挾私破壞惟該校成績究竟如何該校長應否准其辭退仰教育司詳晰查明核飭遵照此批另件並發汝城朱贊揚等呈請就地籌款以興學校懇批示由

據呈該圩擬就本地店鋪公設秤斗按年可籌銀一百二十元以作學校常年經費等情究竟秤斗款項如何籌集未據呈明既係就地籌款興學何以不在縣呈請行政廳核示立案輒行來府具呈揆度情形顯有窒礙難行之處未便准其立案此批

平江商會代表張恒昆呈請飭湘陰行政廳嚴禁楊姓捕魚有碍行船由

濱湖一帶居民每於水涸之時於上流下接之狹口排列魚樁最足妨害交通不獨該縣古湖一處亦不獨湘陰楊氏爲然據呈各情候令行湘陰縣查明習慣妥定取締章程嚴加裁制務使漁戶無失業之憂行旅免阻碍之患仰即知悉此批



專件

湖南實業銀行第二期營業報告表

續

四借出金

種類	上期餘額	本期支付	本期收回	合計實數
銀兩	二一·五九七·八九〇	六六·八五〇·五一〇	六九·一〇〇·六七〇	一九·三四七·七三〇
洋銀		三〇〇·〇〇〇		三〇〇·〇〇〇

五通知存款

種類	上期餘額	本期收入	本期支出	合計實數
銀兩	五〇·七五·四〇	一六九·三三·四九〇	一五三·九〇·〇二七〇	六六·三三·六六〇
洋銀		五〇·八一·〇〇〇	四五·四〇九·四〇〇	五·四〇一·六〇〇

六定期存款

種類	上期餘額	本期收入	本期支出	合計實數
銀兩	二八·八六三·四一〇	八二·八一·三三〇	四〇·五五〇·二四〇	七二·一二四·五〇〇
洋銀		一一·五六五·〇〇〇	五·八七五·〇〇〇	五·六九〇·〇〇〇



七活期存款

種類	上期餘額	本期收入	本期支出	合計實數
銀兩	八三·六二二·五五〇	三三九·〇六六·八九〇	三三三·四六八·八七〇	八九·二二〇·五七〇
洋銀	三〇·五五·五〇〇	二六·三六六·〇〇〇	二二·二六二·九〇〇	八·一五八·六〇〇
錢票		二·三〇〇·〇〇〇	一·六〇〇·〇〇〇	七〇〇·〇〇〇

八存入金

種類	上期餘額	本期收入	本期支出	合計實數
銀兩		四三三·九四八·三一〇	三八四·一四三·四九〇	四八·八〇四·八二〇
錢票		三五四·〇〇〇		三五四·〇〇〇

九期票貼現

上期餘額	本期收入	本期支出	本期餘額
票號數期	票現	金號數現	金號數期
六二·三〇九·九三六·〇〇〇	三元	五七八·八五〇·〇〇〇	九五·三八八·三〇〇
五六一·八五〇·〇〇〇	票現	一三三·六〇〇·〇〇〇	〇

未完